

餘杭縣志卷十四

倉廩

積儲為濟民之實政而倉廩又積儲之先務餘邑常平預備等倉遵守成規有舉無廢按籍可稽其有載在舊志倉雖圯而址猶存者今亦並載之後有修舉庶幾有所憑藉矣

縣倉 在儀門內之東按府志洪武十一年知縣梁初建一名存留倉歲收本縣并附屬官吏俸糧舊縣志下同

常平倉 一在縣治東南三里五顯廟對 一在瓶窰鎮

一在長樂鎮 一在閑林鎮其閑林倉基明萬歷四十年

餘杭縣志 卷十四 倉廩

推官孫給帖撥補充餉人吏

預備一倉 在縣治東南一里際留坊內舊縣基之上元實

際留倉後兵燬明洪武二年建岑山驛于其上後革驛洪

武十一年知縣梁初改為預備南倉正德五年重修在今

法喜寺巷東今圯址存

預備三倉 一在縣治東南二里德茂坊 一在縣北二十

五里後杏界 一在石瀨市以上四倉年歲豐稔勸民出

穀收貯以備賑濟今圯址存

預備倉 一在縣治東南二里 一在縣治東南一里法喜

寺巷康熙二十二年奉文修復預備倉設法積穀以便賑

濟知縣龔嶸查案舊址捐俸建設倉廩房屋積穀一百石
併勸率各里積儲以通三年九年之蓄續縣志雍正五年添
建倉廩六間每間貯穀五百石七年添建一十九間八年
添建一十六間府志

便民倉 在靈源二三保城西橋之東明正德六年建嘉靖
二十年九月東北區糧重呈稱不便知縣李鵬徙至部伍
橋之東每年徵收兌運糧米日久傾頽康熙元年知縣宋
士吉同縣丞王家善重修新造後廳川堂外繚以周垣規
制完固舊縣志

餘杭縣志

卷十四

倉廩

二

廩二十二所康熙十四年前任知縣王奎光重修坐廳三
間康熙二十一年知縣龔嶸倉外繚以周垣併築臨河之
堤礪以資完固云續縣志

臨安便民倉 在縣東十里今名其地曰倉前

按舊縣志載餘杭倉永貞初張綱為守奏置餘杭倉宇
四十三間築倉城週迴四里久廢址不可考又載儒學
倉在本縣大成殿之西貯本學師生俸廩
并朔望香燭之資俱係舊制附識于此

乾隆元年九月戶部為請定常平倉穀等事題覆大學士兼
管浙江總督巡撫事務嵇曾筠疏稱各省存倉穀石准部
咨行南方諸省地氣卑溼應將風土最溼各地方作何存
糶之處妥議具題等因查浙省各屬存倉穀石地按方風

土如杭屬之富陽昌化餘杭臨安新城於潛

此下嘉湖寧嚴溫紹台金

衢處各府屬不具錄

或處山陬或屬高阜其稍低之處不甚卑溼隨

時可以晒晾倉穀不虞紅腐仍照舊例存七糶三設或遇
歉收或青黃不接米價昂貴應酌量多糶以濟民食至部
行嗣後發糶常平倉穀凡遇價值偶貴各州縣酌定賣價
一面開糶一面詳報所糶價銀穀石該地方官按月造冊
申報督撫查核之處查民間米價昂貴非係青黃不接即
屬水旱蟲荒捨此之外米價原不至驟長今若偶貴即令
開糶恐不肖州縣捏稱價貴終歲開倉發糶不無將價銀
挪掩漸成虧空之弊應仍照浙省舊例如遇青黃不接或

水旱蟲荒方許一面平糶一面詳報仍將所糶穀石銀數
按旬通報查考以重倉儲又部行各州縣秋成買補如遇
穀價騰踊即將所糶價銀解交府庫俟次年有收價賤照
數買補查各州縣地方如果遇水旱蟲荒或鄰縣鄰省亦
屬歉收穀價實在昂貴所存原糶之價不敷買補自應俟
次年有收價賤買補若不荒歉概准停買恐狡猾州縣以
採買還倉有晒晾苦蓋之難搬運折耗之費樂于存價憚
于買補因循玩愒有出無易二三年間必致倉儲空虛有
誤賑穀應仍令各州縣每年平糶穀石一俟秋成即照數
買補如本地果遇水旱蟲荒或鄰縣省亦屬歉收艱于購

買方准俟下年有收價賤照數買補倘有藉詞推諉卽以
玩誤倉儲題參仍著落買補還倉庶幾緩急有備又部行
本地買補恐有派買短價以及抑勒富戶里民等弊務令
于鄰近州縣購買以杜弊端查不肖有司于本地購補倉
穀藉勢短價抑勒富戶里民派買往往有之今令于鄰近
州縣購買誠屬杜弊之法但浙江杭嘉湖寧紹等府屬產
穀本少向在鄰縣省採買其金台衢嚴溫處等府俱係產
穀之鄉不便令其舍近求遠且有舟楫不通之處踰山越
嶺挑負爲艱一切運脚耗費不貲若令有司自行賠墊未
免拮据准動公帑又慮無項可撥必成虧空且本地人民

有穀無售轉需運往利處糶賣于民更有未便嗣後金台
衢嚴溫處等處本地原係產穀者仍聽其照依時價就近
採買公平交易不許短價抑勒派令該管道府不時查察
如有前弊詳揭嚴參如此則地方官可無賠累而富戶里
民亦不致滋擾其于倉儲實有裨益等因前來查先經臣
部議覆內閣學士方苞條奏各地方發糶常平倉穀等因
奉

旨依議欽此通行在案今大學士兼管浙江總督巡撫事務嵇
曾筠將浙省各府州縣倉儲穀石按各地方之高下卑溼
分別存七糶三存六糶四及糶半存半之處均屬因地制

宜應如該督所請云云可也奉

旨依議節錄府志

兵防鋪遞

餘邑西北山程遠通江左東南水道直達運河獨松三關頗稱險要水道叢雜巡警難周

國朝久享昇平民安俗阜然有備無患之道貴在講求有素司土者不可以僻邑而忽之也餘舊兩驛久經裁革鋪遞亦非衝要故錄附兵防之後

廣明元年杭州始建八都餘杭陳晟於潛吳文舉鹽官徐及新城杜稜唐山饒景富陽文禹龍泉凌文舉各聚數千人

餘杭縣志卷十四

兵防

五

以衛鄉里而臨安則為董昌而錢鏐副焉吳越備史

玉照新志新城縣聖安都杜稜守之富陽縣靜江都聞人

宇守之臨安縣石鏡都董昌守之餘杭縣龍泉都凌太舉

守之鹽官縣海昌都則徐及北關鎮則劉益容臨平鎮則

曹信浙江鎮則阮結又舊府志周寶傳云寶發杭州兵戍

縣鎮判八都石鏡都董昌主之清平都陳晟主之於潛都

吳文舉主之鹽官都徐及主之新登都杜稜主之唐山都

饒景主之富春都文禹主之龍泉都凌太舉主之杜稜傳

云稜為東安都將與臨安董昌錢塘劉孟安阮結富陽聞

人宇鹽官徐及餘杭凌太舉臨平曹信號八都皆與備史

小異

高駢表昌杭州刺史鏐都知兵馬使太子賓客昌乃團練八都兵以鏐統之景福元年秋七月鏐率十三都兵洎役徒二十餘萬衆新築羅城十國春秋八都外有紫溪保城龍通三泉三鎮是爲十三都府志

民兵明洪武初立民兵簡民之壯勇者編列隊伍而以時教閱之有事從征事已復還爲民功成與軍兵一體陞用正統十四年下召募民壯之令凡募民壯者本地官率領操練遇警調用宏治二年復定隨里編僉之制是年本縣民壯額有三百六十名正德十三年審除五十六名止三百

餘杭縣志

卷十四

兵防

六

四名嘉靖間久玩昇平無裨實用奉例減至二百名隆慶初減去五十名隆慶四年又減至百名隆慶五年巡撫御史郭朝賓議操守乃復三十名萬歷三年仍以防禦不足加復二十名合一百五十名

國朝奉裁一百名現存五十名春夏秋每月操演二次冬季間三日一操其事則縣尉掌之舊縣志

本朝現在營制 分防餘杭縣把總一員有馬戰兵一名無馬戰兵一十二名守兵五十九名官自備馬二匹兵丁官給

馬一匹

通志

康熙五十六年福浙總督題請將本營原防餘杭縣汛歸城

守營管轄府志

演武場在縣西南一里半廣三十餘丈袤七十丈明正德九年肇建傾廢已久康熙五年十二月知縣宋士吉重修續志

按嘉靖縣志云餘杭久無士卒民不知兵宏治間假儒學空地以操習民壯正德間知縣唐鵬以為非用武之地改建今所

鋪遞

岑山驛 在縣東南一里有奇先名餘杭驛後改建存留倉

於上嘉靖縣志今廢

古城驛 在縣西北六十里古城界今革嘉靖縣志

餘杭縣志 卷十四 鋪遞

七

接官亭 在縣東四里部伍橋之西自宋至元咸有之至正

兵燬今仍建立於此改名駐節舊縣志下同

縣前鋪 在縣治西萬歷間附建關王廟嘉靖縣志下同

十里西至交接橋鋪十里北至交接邵墓鋪二十里

橫瀆鋪 在縣東一十里鋪毀址存東至靈源鋪計程十里

靈源鋪 在縣東二十里靈源橋西鋪毀址存東至錢塘蔣公鋪十里

丁橋鋪 在縣西一十里廣福寺東改建楊梅彎土地廟西

東至縣前鋪十里西至臨安青山鋪十里

三重鋪 在縣北三里今革

邵墓鋪 在縣北一十三里新嶺北首鋪毀址存北至麻車鋪十五里

曹橋鋪 在縣北二十三里

麻車鋪 在縣北三十三里雙溪鎮鋪毀址存北至招兒鋪二十里

浮溪鋪 在縣北四十里今革

招兒鋪 在縣北四十三里黃湖鎮鋪毀址存北至古城鋪二十里

古城鋪 在縣北五十三里百丈塢口鋪毀址存北至孝豐縣餘豐鋪

二十里

巡警鋪 一在通濟橋南 一在際留坊前 一在市司坊

前 一在德茂坊前嘉靖縣志按元巡警鋪所以禁夜行而防

寇盜也明因之今仍舊舊縣志

鹽法

餘杭縣志 卷十四 鋪遞

餘邑食鹽行銷肩引肩販逐日自仁和場長挑入邑城徒行數十里不許乘舟亦不許遠道所以杜私而裕食法至善也邑境雖大半山村然戶口日繁疏銷日裕各販駢肩接踵而至月無曠日可以規富庶之徵焉

明嘉靖十六年題准兩浙官商不到之處立為山商昌化每程一張納銀六錢餘杭富陽臨安新城每程一張納銀四錢三分其餘坐場縣分容令竈丁肩挑易賣通志

仁和場所產鹽斤除配仁和錢塘餘杭三縣肩引外餘鹽發

帑收買府志下同

年額配銷仁和錢塘餘杭三縣肩引共二萬五千五百四十

引每引定限八日挑銷

餘杭肩販係屬限縣一日赴場支挑一日在縣銷賣每引限八日共支鹽四百斤例由清泰門出武林門抵觀音關嚴衢塘直至餘杭不許繞道越走

票引分銷餘杭縣年銷票引六十引每引行鹽八百斤完課銀一錢八分八釐零車脚銀一釐三毫零珠銀一釐八毫零紙硃銀三釐

仁和場引鹽行鹽地方 餘杭肩販專由銀跳觀團竈支鹽進清泰門出武林門由觀音關過嚴衢塘直抵餘杭不許繞道越走

重修鹽法志下同

餘杭縣志

卷十四

鹽法

九

各地要隘 湖州府屬孝豐地方接近錢塘餘杭肩引課輕價賤之區最易越界侵擾私梟出沒多在餘杭之黃湖鎮錢塘之瓶窰橫入孝邑於餘杭之瓶橋關王嶺石門村瓜村黃湖十五梯等處假道向於孝餘交界之幽嶺設卡募捕會同營汛及縣捕常川駐守幽嶺地方曠野路徑叢雜難以巡緝惟黃湖鎮乃餘杭之門戶而餘杭乃孝豐之門戶所宜設隘實力稽查

票引 原額七萬四千七百五十引明季兩浙正引之外有票鹽一十四萬九千五百張每張行鹽一百斤係仁和錢塘海寧海鹽石門平湖鄞縣慈谿奉化鎮海象山山陰會

稽蕭山餘姚上虞等一十六縣行銷

本朝順治三年巡鹽御史王顯題請兩浙票鹽不係額引之內當照例改票行引部覆將前票折引七萬四千七百五十道每引二百斤為額但是時地方初定商人未集止派五萬七千二百九十五引而仁和等一十六縣尙未能全銷遂於餘杭嘉興秀水嘉善桐鄉五縣代銷壅引迨順治八九年間仁和縣等一十六縣居民復業請歸本額納銷而餘杭等五縣食鹽不敷且嵎縣亦屬票地是以續經題請加復票引一萬七千四百五十五引以足原定七萬四千七百五十引之數

餘杭縣志 卷十四 鹽法

票引派額仁和錢塘海寧餘杭海鹽石門平湖鎮海山陰會稽蕭山一十一州縣派行引目五萬三千七百九十引俱肩銷

票引分銷餘杭縣年銷票引六千引

場竈 仁和場在仁和縣所產鹽斤配仁和錢塘餘杭三縣肩引場署舊在省城乾隆三十九年移建清泰門外仁邑會保之五圖各團隘口均設肩販引房就團稽查

現煎團額銀跳觀團九十九竈

掣驗 仁錢海等十八州縣票引肩銷不掣餘杭縣肩引於仁和場支鹽肩販定例由商結保領引挑銷額引一道赴

挑八日對竈支鹽每日一百斤由場秤驗蓋截按照定界挑銷各於要路設有巡役盤查前經乾隆四十三年兩江總督高晉會奏浙江老少鹽斤案內奏明各縣肩挑人數多寡不等嗣後間有增添亦規仿貧籌之式設立販籌載明姓名年號居址由司申詳鹽政烙給不許籌引相離以嚴稽察陸續定有額數其已定者海寧海鹽平湖石門山陰會稽蕭山餘姚上虞鄞縣慈谿鎮海十二州縣其未定者仁和錢塘餘杭象山四縣

奏議 順治十七年二月禮科給事中楊雍建題爲鹽法有難清之弊積蠹多盤踞之奸請

餘杭縣志

卷十四

鹽法

十二

勅戶科轉行該差御史嚴查釐飭以銷壅引以足額課事杭郡之餘杭地連徽嚴向止有肩挑小票不設引鹽比聞新立小引乘機夾帶私販私販行則正引滯鹽斤重則銷額遲此當更革者也

云

乾隆元年六月戶部爲遵

旨議奏事題覆大學士管理浙江總督兼理鹽政嵇曾筠題稱兩浙近竈之地例設票引遠竈之地例設正引票引地方共計二十四縣內餘杭嶧縣奉化三縣並不近竈不設木

籌

云

乾隆四十三年閏六月戶部爲遵

旨議奏事臣等查得大學士仍管兩江總督高晉等奏稱浙鹽引地共計十七府二州內惟杭州嘉興寧波紹興四府屬

凡有逼近場竈地方給販挑銷設立肩引計行銷肩引者則有仁和錢塘海寧餘杭海鹽石門平湖慈谿鄞縣象山鎮海山陰會稽餘姚上虞蕭山等十六州縣每縣額設肩販自五六十名至二百二三十名不等由商保結給與引目每引一道許其赴場挑鹽八百斤每日賣鹽百斤按照定界銷賣期滿另給既經納課銷引卽與商鹽無異歷年久遠從不聞侵害引地接濟私梟自可仍循其舊云云

條約 乾隆九年七月巡撫兼管兩浙鹽政爲嚴禁肩販違例挑銷杜弊源以疏額引事照得仁錢二縣地當省會戶口紛繁商賈雲集所需食鹽倍於他郡是以設立票引給

餘杭縣志

卷十四

鹽法

十三

販定期挑銷接濟民食以疏額引而肩販挑鹽行走及餘杭隔界入場支鹽與賣完繳引俱有定制難容違玩今當審市甚殷正民戶需鹽之候誠恐不法肩販故達成制私走別路影射重照有礙引課合行出示曉諭爲此示仰仁錢二縣肩販及巡鹽員役人等知悉嗣後凡有肩挑務遵成例預引一道每日支鹽一擔每擔止許百斤照限挑賣八日繳舊換新毋許影射重照其入場支鹽照例於卯辰二時由清望二門進出不許違例私走別門希圖轉擔重挑影射滋弊其餘杭肩販入場買鹽亦須遵照時限由清望二門行走挑鹽回縣仍出武林門由餘杭塘歸縣挑賣

不許私走東新關留下等處地方如敢故違卽行拏究斷
不輕恕 嘉慶四年二月署理兩浙鹽運使浙江督糧道
爲曉諭設巡事案奉巡按兩浙鹽政批前司詳孝豐衆商
具稟錢邑肩私囤積瓶窰梟販假道餘杭之瓶橋關王嶺
石門村瓜村黃湖十五梯等處請諭該地巡商在黃湖鎮
設隘稽查選販坐銷協拏錢邑肩私復可限制餘杭衆販
侵越并據餘杭巡商程公裕稟保肩販三十二名坐銷黃
湖立法稽查選捕八名督同協緝分別飭遵試辦未幾旋
有張公位姚大鵬等阻撓滋事飭據寧紹分司會同錢餘
二縣提拿到案訊究杖責並聲明黃湖設隘於緝私有益

詳覆批飭發落又據商人王寧裕舒丙榮等稟請立碑勒
石批據甲商吳康成等稟覆黃湖由錢餘侵孝出入要道
設隘定販在鎮坐銷無虞民食所請誠爲疏引杜弊起見
詳請示遵等緣由奉批仰卽諭飭該商等照案設隘稽查
勒石并飭餘邑及委員督巡如有梟販阻撓滋事卽查拏
究報一面飭巡商督同販捕實力堵緝以衛正地又奉巡
撫部院憲牌准鹽院咨開據該司具詳孝豐商人稟請餘
杭黃湖鎮設隘稽查勒石一案仰司卽便轉飭各等因奉
此合行頒示勒石永遵

二云
二云

餘邑田畝近山田高憂旱近水田低憂水一遇水旱為災
不得不仰邀賑恤

國朝尤疊

沛殊恩蠲賑並施載在版籍敬謹備錄志民情之戴頌焉至於
濟民疾苦澤及枯骸皆恤政之所推廣者並附詳之見仁
政之及民無所不備云

康熙九年杭州嘉興湖州紹興水災巡撫范承謨奏請蠲賑
奉

旨允行

康熙十一年有蟲食稼殆盡督撫題請蠲免續縣志

餘杭縣志

卷十四

恤政

十四

嵇宗孟踏荒禹航二首南湖三月雨騎馬踏春泥赤日四
郊暑迎龍空夏畦天高雲漢近夢竭洞庭迷安得便宜節
許臣救望霓 僕僕牛羊道驚看疾首人穉禾如脫襖新
突半生塵謀野吝荒政停驂愧守臣直愁今夜月不忍轉
輪華

又庚戌年前踏荒詩武林壤錯民依古玉粒金禾輸金府
歲曰庚戌六月夏海颶掀江漁下土濤山浪屋飛瓦鳴七
晝七迴雷雨驚坂田頭白畚田沒三尺鯉魚隴上行我咨
昏墊徠松野焦飯鹽豉不盈把蜻蛉小蝶鳧頸兜婦子追
隨哭桑下桑根水嚙桑枝枯明年蠶殪兒無襦東南供億
半方域元老殷憂拜

帝疏蠲租
丹詔暉雲外長孺開倉歌大賚

君臣交警協穹蒼風不鳴條雨破塊胥山鬱鬱胥江馴天吳不
怒河伯仁百年鼓腹含哺者今日飢驅塗附人

又辛亥年後踏荒行歲曰庚戌書大水蚌蟻循田魚舞市
跳丸瞬息藕生花黃坂泥烘四野紫嘉禾漫同腐草傳憫
望乾螢生百憂天竺飛幢迎佛母胥山伐鼓賽龍游羣生
百執隨駿奔白足黃冠叩九閭巖戶聞霆空歎息草莖涓

滴亦殊恩六月七月蘊隆熾桑楮葉黃蟲鏤字去年鯉魚
場圍游今年魚宮驅馬至周行切切耿時艱技淚西風不
忍看清夜繪圖邀

帝眷荒郊立馬問農官我願倚天作大冶渾融二氣忘冬夏堯
不大浸湯不早年
年鼓腹桑陰下

又壬子年蟲荒行并序曰比年水旱頻仍再罹蟲沴守斯
土者僕僕田間雖塗雨為勞而歲謹在躬艾莫能遠漫述
此行淚墮膠筆聊志憂喟云爾詩曰壬子壯月西成候百
室將開延黃茂日日訟庭鳥雀空忽驚野老哭階右丁男
匍匐前致辭昊天扞我從未邁月初八日風角昏非煙非
霧郊原督曉看隴畝稻禾枯醉伏渾如中酒後細檢根莖
有物憑纖纖蠕動恣紛糅蟻穴偏能潰大防蟻蠓徒自罨
白晝嗟予三時賦併功一朝廢棄成虛謬長吏聞言涕滿
襟臣也無狀民何疲泣血陳言繪輿情元公蒿目馳章奏
請命蠲租廣

帝恩循田守吏牛羊走九年河伯驕不仁十年旱魃田如灸今
茲飛蟲厄下方繫桑僵餓何時救慚愧往古多仁人積誠
每足格蟲獸虎不渡河蝗不飛時和年豐富且壽小臣長
跪甘天譴呼天轉災而為祐蟲兮蟲兮為河魚羹我子婦

餘杭縣志

卷十四

恤政

十五

志儻憮蟲兮蟲兮為貓虎驅我豕鼠省耕耨更願入土為
疑脂瘠者膏腴鹵者秀物無留厲史書年常與堯民歌在
宥

康熙四十七年九月二十四日欽奉

恩詔內開 一江南浙江二省今歲俱有被災州縣應酌留漕

糧為平糶散賑之用每省應截留若干石該部確議具奏又

浙省餘杭等州縣秋月狂風暴雨致民間屋廬傾圮生齒此

離江船漂損人口淹沒田禾悉被災傷殊可憫惻著該撫行

該地方官察明人戶數目應作何賑恤速議具奏

府志下同

康熙五十三年十一月戶部彙報秋旱等事覆准浙省錢塘

富陽餘杭新城仙居麗水縉雲松陽西安龍遊常山永康

武義等十三縣并衢州所被災田畝應免銀四萬九千六百四十二兩二錢零照例蠲免仍令作速查明災民動常平倉米穀賑濟

雍正五年十一月戶部爲彙報偏災等事覆准浙江仁和錢塘餘杭臨安新城安吉長興武康德清鄞十州縣并杭州前左右二衛本年七月間山水暴漲被淹田畝應免銀一萬四千六百五十九兩三錢零又石壓水衝成溪田畝應免無徵銀三十八兩九錢零應照例蠲免其本年應徵錢糧緩至雍正六年麥熟後催徵至漕米照浙江支給運丁行糧例每石以一兩二錢折徵完報

餘杭縣志

卷十四

恤政

十六

乾隆十六年七月旱巡撫永貴題奏奉

旨賑恤

乾隆二十七年十月戶部爲彙報偏災情形等事覆准浙江仁和等九州縣杭州一衛湖州一所仁和等七場今歲入夏以來雨澤愆期七月初七并十二十三等日風雨狂驟潮水迅發勘明被災田畝照例蠲免

賑濟餘杭縣極貧災民九千三十九戶男婦大口二萬二千一百二十五口小口九千四百五十四口計賑一月共折給銀四千六百七十二兩二錢四分八釐

乾隆五十年十月初十日奉

上諭福崧奏仁和等十七州縣並杭嚴嘉湖二衛田畝歉收請將應徵漕米錢糧等項分別緩徵等語本年浙西一帶雨澤愆期田禾間有被旱之處收成不無歉薄民力未免拮据所有仁和錢塘海寧餘杭臨安於潛嘉興秀水海鹽石門桐鄉烏程歸安長興德清武康安吉等十七州縣並杭嚴嘉湖二衛歉收田畝應徵地漕錢糧著加恩緩至五十一年麥熟後徵收其漕米及新舊漕截等銀亦著緩至次年秋成後徵收帶運以紓民力該部卽遵諭行欽此

乾隆五十一年正月初三日奉

上諭上年浙西杭嘉湖三府屬之仁和等十七州縣並杭嚴嘉

餘杭縣志

卷十四

恤政

七

湖二衛得雨較遲收成歉薄業經降旨將應徵地丁漕項銀米緩至次年分別帶徵以紓民力第念今春東作方興農民播種翻犁未免尙形拮据著再加恩將杭嘉湖三府屬之仁和錢塘海寧餘杭臨安於潛嘉興秀水海鹽石門桐鄉烏程歸安長興德清武康安吉等十七州縣並杭嚴嘉湖二衛再行緩至秋收後按例徵收並查明實在貧民酌借口糧籽種以資接濟該撫務董飭所屬實力奉行使茅檐蔀屋均沾實惠以副朕軫念黎元普錫春祺之至意該部卽遵諭行欽此

嘉慶十年五月十六日奉

上諭阮元奏浙西春花蠶絲收成歉薄各情形一摺浙西杭嘉

湖三府屬上年被水後疊次蠲緩賑糶並借給籽種俾資接濟茲復因本年三四月間陰雨較多麥豆收成頓減蠶絲更爲歉薄糧價漸長民食維艱亟須妥爲撫卹除將上年捐備資賑餘銀一萬四千餘兩接用外著於藩庫捐監款內動支銀十萬兩開廠資賑該撫惟當督飭所屬認真辦理務令實惠在民無使一夫失所所有杭屬之仁和錢塘海寧餘杭臨安嘉屬之嘉興秀水海鹽石門桐鄉湖屬之烏程歸安長興德清武康等十五州縣十年分新糧并八九兩年未完地耗並著查明實欠在民者緩至秋成後分別徵收用紓民力至該省額辦白絲絲綿二項既據該撫奏稱蠶戶失收自未能餘杭縣志

卷十四

恤政

六

照額購辦著將本年額辦白絲八千五百觔准予減半收買其添派絲綿五百觔緩至來年蠶絲收成後再行確核採辦以示體卹該部知道欽此

邑人董作棟乙丑夏散賑記嘉慶十年浙西以前歲歉收米價漸貴今年入夏後又以蠶麥兩損米價益貴民頗以爲病大中丞儀徵阮公請於

朝籌款賑海寧等十五州縣餘杭與焉

命下中丞酌給銀七千兩於近城處設廠煮糜聽民就食吾邑

恩賑期於徧民而設一二所以召之非便也民之就食近則數

里遠者數十里暑暵路遙窮日之行博一食必不能均至均至而枵腹喧呶他故雜起多方應之猶不給本縣七十三里請以所撥銀分給里之長厚才諳者司其事且客冬先有各里相矜之事矣受賑之人名籍具在可無濫且遺各卹其鄉隣有力者稍出財以益之亦不吝是廣

上恩而節他費窮民近而受食兼得服南畝仰西成視奔波以求一飽其便孰甚又以所給銀示使周知使民自得相稽

無侵漁之慮大府皆聽其言一聽所為侯於是以其所言於大府者選各里之堪其事者使董之加斟酌焉凡五旬而竣無濫無遺民情帖然沐皇仁詠憲德也則明府行之之善也

附前代郵政

宋淳熙十一年餘杭水災知府張杓奏免舊逋舊縣志互見祥異

十四年臨安府九縣饑令發廩粟二十萬以賑文獻通考

度宗咸淳十年八月大霖雨發米賑饑宋元通鑑

元至元二十八年二月遣行省臺官發粟賑杭之臨安餘杭

於潛昌化新城等縣饑民元史世祖本紀

明洪武十年三月賑錢塘仁和餘杭民被水者戶米一石實明

錄

餘杭縣志 卷十四 恤政

九

萬歷二十六年九月浙江水災戶部覆巡撫方元彥巡按劉

元霖奏准將被災八分餘杭於潛昌化秀水海鹽平湖歸

安烏程象山金華蘭溪東陽建德淳安桐廬分水十六縣

准免五分于本年存留糧內照數豁免其免過銀仍令各

府州縣議處無礙官銀抵補節錄王圻續文獻通考

附養濟院

養濟院 在縣東南一里安濟坊內宋置于縣西門外元仍

宋舊明洪武間歸併于本府成化間復置基址低窪屋宇

卑隘難以安插孤老正德六年知縣彭辨之勸義民徐徽

修築高阜週迴繚垣無風雨之患今仍其舊萬歷縣志

附惠民藥局

惠民藥局 明萬歷四十四年疫大作知縣戴日強奉文開局施藥救療就醫生藥室于城內外分立四處各鄉隨地設立令醫生置劑調治民稱便焉舊縣志

國朝康熙二十二年夏六月民苦驕陽多生疵厲知縣龔嶸開設藥局三所各就醫生藥室擇儒醫沈士璋許懋庚吳培宗施藥調治民稱便焉遠近大小男女日奔赴者千餘人捐置藥貲俸銀四百兩鄰邑百姓就療日多續縣志

附漏澤園又名廣孝阡即義冢

漏澤園 宋置在縣東七里南渠河之南元置于安樂鄉徐

餘杭縣志 卷十四 恤政

湖界明初置義冢一在縣東橫瀆鋪之西部伍橋之東宏治年間知縣冉繼志謂其地窄復市民地置一所在子顯聖寺之西沙街內嘉靖縣志萬歷四十四年戴日強奉驛傳道明文掩埋暴露以全枯骨逐里清查遵造循環二冊申報七十三里義冢舊縣志下同原額畝數開載于後

- 東南隅一圖在河平坊二畝八分 二圖在王涇二畝
- 在城隅在官溪塘二畝 西北隅在下湖壩一畝七分
- 上壽界在水碓橋一畝五分 朱橋界一圖在龍子塢一畝五分 二圖在駱家圩一畝五分 南建界在塘塢口

二畝 西舍界在南湖畝一畝五分 文山界在楊滂塢
二畝 閑林四五保在黃泥坎二畝 閑林六七保在□
白蕩一畝二分 閑林東扇一圖在塘嶺二圖 二圖在
塘嶺下一畝五分 新壩保在官山灣三畝 古圩保在
萬家圩二畝 朱葛保在程錢張圩外二畝三分四毫
章鄭保在謝家圩二畝 南湖保在南湖西圩一畝二分
下阮周一圖在河圩外一畝六分 二圖在寡山圩六
分 金宋保一圖在徐公廟二畝 二圖在段山畝一畝
三分 靈源二三保一圖在城內保一畝五分 二圖在
湯毛圩一畝 靈源四五保一圖在丁浩圩二畝 二圖
在藕灘圩二畝 三圖在東河圩二畝 四圖在湯湖圩
二畝 支港界一圖在吳山前二畝 二圖在凌村圩一
畝 三圖在吳山前二畝 免函界在白龍潭二畝 東
塘界在郭家圩二畝 郎王界一圖在磨子山一畝 二
圖在荷花池南二畝 仙宅界一圖在陸家村萬石畝八
分四釐 二圖在汪家村萬石畝四分二釐 盛宅界在
倪家塘一畝二分 進賢界在後王保二畝 後杏界一
圖在楊家山二畝 二圖在吳家坎六分八釐 三圖在
亭子塢四分二釐 白社界在羅家山一畝五分 吳市
界在鎮前圩一畝一分 山前界一圖在楊灣村二畝

二圖在莊村保一畝七分 山後界一圖在廟灣塘二畝
二圖在張家墩二畝 厚郎界一圖在湖塘後二畝
二圖在楊瀆畝二畝五分 東林東扇一圖在鄭墳前一
畝七分 二圖在瓶窰塢二畝 東林西扇一圖在錢家
橋二畝 二圖在潘家橋一畝 黃坑界一圖在黃坑畝
八分 二圖在東隴一畝五分 舊市界一圖在郊口二
畝 二圖在郊口塢二畝 吳山界一圖在雙溪一畝
二圖在陳家圩一畝七分 前喝界一圖在四壁塢二畝
二圖在李娘門頭二畝 上高界一圖在下圩前山二
畝 二圖在下溪頭二畝 三圖在聖堂邊二畝 四圖

在萬石溪二畝 同前界一圖在同畝一畝七分 二圖
在同前畝二畝 黃湖界一圖在漳渚畝一畝九分 二
圖在張子畝二畝 古城界在孚溪灘一畝九分 浮里
界在平王廟後山上二畝

廣孝阡康熙十一年十一月知縣張思齊奉撫院范置買

一買孫培春山二十六畝在北門外潘塘坂

一買潘姚氏山二十一畝在文山界鳳凰山

一買生員董天采地八分六釐在小東門外

乾隆十六年署縣令金鼇捐俸買民山一號爲漏澤園坐西

門外大山塢有碑記

卷十四終